Introduçom ao materialismo dialéctico e histórico





Índice

Apresentaçom	4
A realidade objectiva	5
O movimento cósmico	7
A unidade dialéctica (o uno)	8
Tipos qualitativos de movimento no tempo e no espaço	11
A sociedade e a contradiçom antagónica	12
A contradiçom social hegemónica	14
As diferentes contradiçóns sociais	15
Os diferentes elementos da contradiçom	16
A uniom e luita dos contrários	16
Por que a maioria do povo nom é revolucionário na maior parte da história?	16
Por que a maioria do povo nom é revolucionário na maior parte da história? Continuaçom	17
Lei do desenvolvimento desigual combinado	18

Edita: **Ateneu Proletário Galego** , Maio de 2010

Apresentaçom

Temos o gosto de apresentar-vos o projecto do Ateneu Proletário Galego. O trabalho que vos achegamos é obra de Ariadna, umha mulher galega. Mais os temas que trata som a raiz de muitas discusons que todos temos tido na nossa vida política. Por isto, ainda que este texto é obra dumha autora, tamem é o resultado de muitas discusons que se prolongárom no tempo e dos que a autora dá a sua visom. Porque este é um projecto dumhas obreiras e obreiros galegas que levamos tempo debatendo sobre a realidade social galega e o método de análise científica desta realidade, sem conseguir artelhar, até agora umha organizaçom com um método adequado para poder analisar a realidade e poder mudá-la.

Método e objectivos

- 1) Pretendemos entrar em contato coa militância de classe, para entre todos realizar um trabalho político, mediante o método da análise científica, empregando a crítica coletiva.
- 2) Difundir publicamente o Materialismo Dialéctico e Histórico (M.D.),(M.H.) como instrumento mais ajeitado para descobrir e aprofundar na realidade. Tanto em actos como publicaçons, etc.
- 3) Formar circulos de formaçom e debate mediante a crítica coletiva, que nos permitam avançar no conhecimento da realidade.

Um dos pontos centrais do trabalho de Ariadna que vos apresentamos é o que trata da unidade dialéctica.

Identificar a unidade dialéctica implica um esforço no estudo científico. Um estudo no que igual que Marx quando estudava o valor da mercadoria, leva -nos a descobrir que "...para que poda existir umha diferença quantitativa tem que existir umha igualdade qualitativa", tem que existir algo igual que podamos medir. Descobrimos que esta diferença quantitativa só existe porque podemos determinar umha unidade de

mercadoria (a quantidade de valor) que podamos medir em relaçom a outra unidade.

O nosso método que é científico, materialista, dialéctico e histórico, dá-nos umha grande vantagem sobre qualquer outro. Da-nos a grande vantagem de poder fazer a análise mais objectivo da realidade, o mais real, o mais práctico e transcendental na política e na história. Com esa análise podemos planificar a melhor maneira de actuar em cada circunstancia histórica.

Permite-nos ter umha estrategia a longo praço que vai marcando as prioridades do trabalho. Ter umha táctica setorial para cada cojuntura histórica. Permite-nos, para rematar, conhecer como temos que actuar para a emancipaçom do povo trabalhador galego e da humanidade.

Convidamos a todas as pessoas e colectivos (movimento obreiro, movimento de libertaçom nacional, movimento de defensa da terra, movimento feminista, etc), interessadas neste trabalho político, a participar nas próximas actividades.

Introcuçom ao materialismo dialéctico e histórico (M.D.)/(M.H.)

Por: Ariadna Minos

1 - A realidade objectiva

- ➤ A realidade objectiva à marge da nossa vontade como observadores.
- > A consciência como forma de existência da matéria.

A ciência e a filosofia nom som mais que explicaçons da realidade, polo que a realidade é sempre superior à teoria.

Podemos definir a ciência como o estudo dumha determinada forma particular do movimento da matéria, na natureza, na sociedade ou na mente, movendo-se no tempo e no espaço.

A realidade objectiva existe à marge da nossa vontade e da existência ou nom dum observador. Isto nom exclui, naturalmente, a possível influência dum observador, nem que os indivíduos mudem o seu comportamento quando se sabem observados, nem que o observador faga a sua interpretaçom da realidade (na ciência sempre está presente umha fracçom subjectiva da autora.)

O místico e o filósofo idealista perguntam-se: "Se cai umha árvore no meio da floresta sem ninguém a escuitar cair, fai barulho?

A filosofia materialista e as ciências respostárom a esta pregunta dumha maneira irrefutável: Claro que fai barulho!!!.

Qualquer destes idealistas que se coloque numha praia, mirando terra dentro e com tapons nos ouvidos comprovará se pode escapar da realidade objectiva quando chegar o maremoto. Este tipo de perguntas "ingénuas" som própias de crianças de quatro anos.

Ainda que nom existir nenguma observadora na floresta quando a árvore cair, podemos instalar aparelhos que registem o que suceder. Ainda que nom o fagamos podemos perceber os efeitos umha vez a caida ter acontecido.

Nom pode existir nengumha forma de consciência sem umha base física de matéria -neurónios- e umha corrente de energia associada a essa matéria.

O materialismo dialéctico tem mui claro que a consciência (o pensamento), nom é mais do que umha forma de existência

(um tipo de movimento) da matéria e a energia. "Que nom existe nem pode existir nengumha forma de consciência sem matéria". "Pensamento sem matéria é impensável."

2 - O movimento cósmico

O materialismo dialéctico (M.D.) descobriu que o movimento é da totalidade do cosmos: geral, universal, eterno, absoluto. O repouso é parcial, particular, síngular, temporal, relativo a um plano e escala determinados.

Um exemplo disto inspirado no Anti-Dhuring de F. Engels: Observemos umha pessoa que está em aparente repouso, numha cadeira. Aparentemente está em sentada repouso, ainda que este repouso so é tal em apariência, em relaçom a um plano (a observadora está sobre a superficie da terra) e a umha escala material determinada. Se observamos mais a fundo, descobrimos que o ar está a entrar e sair dos seus pulmons que se contraem e expandem, mentres expulsa dióxido de carbono é absorvido o oxigénio. Vemos que o seu coraçom está bombeando o sangue, que nom para de circular por todo o organismo. Vemos que o seu intestino nom para de mover-se, absorve alimentos, expulsa bilis e demais residuos. Que o sistema nervioso está funcionando mediante impulsos nerviososeléctricos- que regúlam dumha maneira consciente, inconsciente e subconsciente as funçons do organismo. Vemos que todas as células do organismo absorvem oxigénio e nutrintes até tal ponto que renovam a matéria e energia da que está feita a própria célula. Vemos que os organismos nascem e morrem renovando os tecidos. Numha escala ainda menor encontramos um mundo subatómico em constante movimento. Mas, se partindo da mesma pessoa em repouso que está sentada na cadeira e ampliamos a escala, resulta que está girando coa rotaçom da terra, elipticamente arredor do sol. O sistema solar move-se na nossa galáxia, a Via láctea. todo está expandir-se 0 cosmos а aceleradamente.

A matéria, a energia, o tempo e o movimento (mudança) están sempre juntos. Estes som os quatro factores da realidade. Sem entender isto nom podemos avançar.

3 - A unidade dialéctica (o uno)

A essência dialéctica, a unidade dividida em partes (contrários) em luita, criam o auto-movimento, interno e objectivo.

- A essência da unidade dialéctica: o auto-movimento.
- ➤ A unidade é qualitativamente superior à soma das partes.
- > O novo nasce do velho.
- O geral está no particular.
- ➤ A negaçom da negaçom.

A) A essência da unidade dialéctica: o auto-movimento:

A unidade dialéctica é um mecanismo com umha essência: O movimento interno (auto-movimento), impulsado pola interrelaçom dos contrários com forças opostas, mas em uniom e interdependência na contradiçom.

A unidade dialéctica é qualitativamente superior (em complexidade) a qualquer unidade mecánica.

Umha bola de bilhar é umha unidade mecánica, mas nom umha unidade dialéctica. A bola de bilhar nom tem nengum automovimento criado por contrarios. Só tem um movimento mecánico criado por forças externas. A mecánica pode explicar perfeitamente as leis do movimento mecánico, nom assim as leis do movimento da unidade dialéctica, devido a que tenhem umha maior complexidade.

Podemos sublinhar que a unidade mecánica que é a bola de bilhar, contém átomos com partículas subatómicascontrarios-. Estes átomos som unidades dialécticas, com auto-movimento, nom explicaveis coas leis da mecánica. A mecánica explica os fenómenos coa lei de causa-efeito. Encontrámo-nos com que para explicar o movimento da unidade dialéctica, as categorias de causa transformam-se em efeito e o efeito em causa. O ovo transforma-se em galinha e a galinha em ovo.

O castinheiro transforma-se em castanha e a castanha em castinheiro. Dentro da unidade dialéctica a mudança dum contrário implica a mudança do outro, transformando-se assim a causa em efeito e viceversa.

Outra questom importante é que nas unidades sociais aparece o factor subjectivo, efeito do objectivo, mais que tamém pode ser causa de mudanças objectivas.

Segundo a escala material temos diferentes unidades: O átomo, a célula viva, os organismos com diferentes órgaos, os ecossistemas, a sociedade nacional dos humanos, o ecossistema do planeta terra, o movimento geológico da terra (dinámica de placas), a humanidade, o sistema solar, a nossa galáxia (a via láctea), o cosmos, etc.

Cada unidade tem o seu próprio tipo de auto-movimento, no tempo e no espaço.

B) Cada unidade é qualitativamente superior a soma das suas partes:

Umha célula viva tem um auto-movimento descrito com leis naturais, que nunca descobriremos se só estudarmos as leis físicas e da química inorgánica, polas que está regido o movimento dos átomos e moléculas, dos elementos químicos inorgánicos (partes) que formama célula viva.

C) O novo nasce do velho:

O auto-movimento é o fruto da luita dos contrários que

formam a unidade dialéctica objectiva. Realiza-se mediante um processo, a lei das mudanças quantitativas que produzem mudanças qualitativas (Marx, Engels). A soma das mudanças quantitativas chega a um ponto crítico em que se dá o salto à mudança qualitativa. Onde o novo nega ao velho(ver Lenine e Mao), mas o velho nom desaparece por completo, estando em parte presente dentro do novo.

D) O geral está no particular:

Porque o geral está no particular para entendermos o geral do movimento da natureza, das pessoas e das sociedades, temos que partir do estudo do concreto. Umha pessoa, umha obreira, nunca é um ser abstracto à marge do momento histórico, sem sexo, sem lingua, sem nacionalidade, sem umha consciência ou alienaçom, etc.Porque o "obreiro", sem as caracteristicas nacionais, sem sexo, etc nom existe nem poderá existir jamais. É tam metafísico, tam falso como o conceito burguês de cidadao. Tanto o obreiro abstracto como o cidadao estám à marge da realidade histórica. Porque estám à marge da realidade.

Nom tem nada a ver co método científico partir do preconceito de "obreiro" em abstracto e, a partir daí, crer que se pode avançar no conhecimento da realidade. Esta maneira erronea de proceder é própria dos pitagóricos e metafísicos.

E) Negaçom da negaçom:

Mediante este processo de mudança qualitativa chegamos a um ponto em que a propria unidade cria, transforma-se, numha unidade nova. Este processo objectivo podemos descrevê-lo como lei da negaçom da negaçom (Marx, Engels).

Materialismo dialéctico (M.D.) Exp:

O castinheiro destina parte dos seus nutrientes e informaçom genética a criar umha semente (a castanha). Neste processo a unidade dialéctica (o castinheiro) nega-se criando outra unidade (a castanha). Esta castanha, que aparentemente está formada por umha so substáncia, na realidade está formada por vários componentes contrários capaces de criar o automovimento da vida nesta castanha (unidade dialéctica). Na castanha, que é o novo, tamém está o velho, os nutrientes e a informaçom genética do castinheiro. A castanha goma e nasce um novo castinheiro, capaz de elaborar o seu próprio alimento num processo de negaçom da negaçom, em que se cria umha unidade dialéctica nova.

Reparemos agora que na informaçom genética do novo castinheiro está o que agora é velho: a castanha. A castanha foi tamém negada, mediante a negaçom da negaçom, a velha unidade deu passo a nova. (Dialéctica do velho e o novo, ver: Lenine e Mao).

Todo o processo expressa-se mediante a afirmaçom da unidade (o castinheiro), a sua negaçom (a castanha) e a negaçom da negaçom (o novo castinheiro). (Ver Engels O Anti-Dhuring).

4 - Tipos qualitativos de movimento no tempo e no espaço

Podemos diferenciar umha grande variedade de tipos de movimentos.

Cada tipo de unidade tem o seu tipo de auto-movimento particular, qualitativamente diferente, expressado em diferentes leis científicas e motivado pola interrelaçom dos contrários (minimo dous) que formam a unidade. Exps: movimento cósmico, da galáxia, o sistema solar, interno da terra (placa tectónicas), o ecossistema, a célula viva, os organismos com órgaos complexos, as sociedades nacionais humanas, o psicológico, etc.

5 - A sociedade e a contradiçom antagónica

- O surgimento histórico das classes sociais antagónicas.
- > Identificar a unidade dialéctica.
- As grandes contradiçóns sociais.

A) O surgimento histórico das classes sociais antagónicas.

As sociedades humanas iniciárom-se com um modelo ao que podemos chamar comunismo primitivo. Co desenvolvimento da agricultura e da criaçom do gando apareceu um excedente de bens valiosos.

Este excedente foi expropiado aos produtores e apropriado por um grupo social, que desta maneira fôrom "liberados" de realizar trabalho produtivo, do transporte e do trabalho comercial, para dedicar-se a viver do excedente produzido por outras pessoas (umha vez satisfeito o mínimo necessario para viver, seguir trabalhando e reproduzir a sua força de trabalho.)

Para apropriar-se do excedente, a classe social exploradora nom só tivo que utilizar a violencia, senom monopolizar a violência, surgindo assim a luita de classes e o estado.

Assim é como surgírom as contradiçons antagónicas. Descobrir a existência de contradiçons antagónicas e nom antagónicas dentro da sociedade significou mais para o avanço da ciência social do que toneladas de parloteo e páginas sobre a "autoridade" ou a "dominaçom".

B) Identificar a unidade.

Sem identificar a unidade dialéctica objectiva (p. ex a sociedade nacional), sem identificar os contrários (neste casso as diferentes classes sociais) e sem identificar a essência, que é o auto-movimento desta unidade, impulsada pola luita e uniom das suas partes contrarias -neste caso a luita de

classes- nom podemos avançar na compreensom da realidade.

Co desenvolvimento do imperialismo a nível planetário, co surgimento do comércio e o mercado mundial, a humanidade transformou-se numha unidade dialéctica, surgindo a luita de classes a nivel mundial.

A seguinte unidade dialéctica na que se divide a humanidade é asociedade nacional. Identificar qual é a sociedade nacional, em que classes está dividida, que classes tenhem interesses antagónicos, qual é o mecanismo de reproduçom económico-político (capitalismo) e como é a obtençom de plusvalia (excedente) mediante a exploraçom. Descobrir como se produz o enfrentamento (luita de classes) entre as diferentes classes sociais, identificar o momento histórico e a correlaçom de forças.

Estas som as bases científicas do materialismo histórico.

Nota: As classes sociais identificam-se segundo a orige da sua renda

C) As grandes contradiçons sociais antagónicas da humanidade.

A nível mundial a principal contradiçom social é a que enfrenta a grande maioria da humanidade (camponeses pobres) e o imperialismo. É o enfrentamento entre capital-trabalho a nivel mundial neste momento da história.

A nível nacional (nos países industrializados) o enfrentamento capital-trabalho enfrenta a classe obreira e a burguesia.

Nos povos sem um estado independente surge umha contradiçom social antagónica interna, a nivel político subjectivo (naçom para si). (e a contradiçom entre o nacionalismo chauvinista do estado opressor e o

nacionalismo popular do povo trabalhador que sofre a assimilaçom (opressom nacional).

A nível objectivo (naçom em si), enfrenta-se o proletariado galego e todo povo trabalhador contra a oligarquia espanhola, co seu estado, que tem a burguesia autóctone galega como aliada, junto com sectores desclassados da sociedade galega.

6 - A contradiçom social hegemónica

A) Numha unidade social nacional dividida em classes sociais antagónicas, o enfrentamento entre estas (a luita de classes) na maior parte da sua história acada o grau qualitativo de contradiçom hegemónica.

A luita de classes tem o grau de contradiçom hegemónica quando nom existe umha suma de contradiçons que ocupem diferentes eidos, senom que umha -a luita de classes-trespassa o seu campo influindo em todas as demais, tanto nas antagónicas, como nas nom antagónicas.

Assim, durante a maior parte da história dos povos, a luita de classes influe na contradiçom antagónica de opressom nacional, na contradiçom entre sociedade humana e natureza, entre progenitores e descendência, entre mulher e homem, entre mestre e aluno, entre trabalho manual e trabalho intelectual, entre campo e cidade, etc., etc.

Se facemos um símil gráfico e imaginamos umha torta, nom se trata de varias porçons, com umha primeira, umha segunda, terceira, etc,com diferentes tamanhos. Senom de umha única porçom que invade toda a torta gráfica até aos 360°. Por baixo desta porçom hai outras mais pequenas que ocupam o seu espaço sem sair das suas fronteiras.

B) A contradiçom hegemónica e a contradiçom principal. China-Japom.

Sucede excepcionalmente na história que a apariçom dum agente novo e externo paralisa toda a maquinária social, deixa de ter carácter hegemónico a luita de classes que movia e mudava toda a sociedade e mesmo pom em perigo á existência dessa povoaçom como unidade social.

Exp. China-Japom, povo judeu-fascismo hitleriano:

Quando o fascismo japonês invadiu a China, ou quando os fascistas hitlerianos estiverom no poder em Alemanha, viam aos Chineses e aos judeus, respetivamente, como "semihumanos", ou "humanos inferiores". Apresárom grandes grupos de povoaçom que nom pudo fugir em campos escravistas de trabalho forçado e de extermínio, escravizaronos e gasearo-nos, etc.

Nom buscavam "colaboradores nacionais" coa repressom, nom criárom um corpo nacional de repressom policial. Metiam a povoaçom em campos de concentraçom sem importar-lhes qual era a súa classe social.

Nom queríam que adoptaram novos costumes com a fim de"integrá-los", assimilá-los- na sua sociedade, porque nom buscavam a colaboraçom dos sectores nacionais reaccionários para manejar às massas, senom que utilizavam o terror maciço e indiscriminado. Com esta descriçom entenderemos o escepcional que é na história dos povos estas circunstancias. O excepcional que é que a opressom nacional desloque a luita de classes.

7 - As diferentes contradiçóns sociais

Na sociedade moderna existem simultaneamente e em interrelaçom um grande número de contradiçóns. Umhas som antagónicas: luita de classes, contradiçom nacional, etc. Outras nom som antagónicas:sociedade humana-natureza, mulher-homem, descendência progenitores, mestre-aluno, campo-cidade, etc, etc, etc.

As contradiçons nom antagónicas podem transformar-se em antagónicas.

8 - Os diferentes elementos da contradiçom

Como acabamos de ver no ponto anterior, dentro de umha unidade podem existir multiples contradiçons interactuando entre si.

Ao mesmo tempo, dentro de cada contradiçom existem um mínimo de dous elementos, embora podam existir muitos mais elementos secundários.

Nas sociedades modernas na contradiçom capital-trabalho (burguesia-proletariado) encontramos os dous elementos principais, mais isto nom nega a importancia de outros múltiplos elementos secundários (camponeses, pequenaburguesia, etc), que estam interactuando na contradiçom hegemónica da luita de classes.

9 - A uniom e luita dos contrários

A uniom da unidade (a interdependência) e a luita dos elementos contrários que a formam, som as dúas forças (tendências) imanentes e definitorias de qualquer unidade dialéctica. É este fenómeno o que cria o auto-movimento.

10 - Por que a maioria do povo nom é revolucionario na maior parte da história?

Introduçom:

A análise das sociedades divididas em classes sociais antagónicas podemos fazê-la em diferentes planos, com diferentes esquemas, exemplos:

Esquema da análise da estrutura orgánica dumha sociedade burguesa: 1) base económica que cria o excedente, que possibilita a super-estrutura; 2) super-estrutura política: a) aparelho repressivo da oligarquia (A.R.O.); b) aparelho ideológico da oligarquia (A.I.O.); c) aparelho científico-técnico da oligarquia (A. C-T. O.)

Esquema da análise funcional dumha sociedade burguesa: 1) Base económica que cria um excedente. 2) Super-estrutura da classe exploradora hegemónica com: a) teoria política reaccionária; b) ideologia (composta por filosofia idealista, pseudo-ciência e superstiçom); c) umha moral reaccionária aristocrática, clerical e burguesa.

Por último, a análise funcional dumha sociedade na que tem o poder o proletariado:

1) base económica que cria o excedente. 2) Super-estrutura: a) teoria da organizaçom política: b) ciências; c) filosofia; d) moral proletária.

Para que serve o materialismo dialéctico e o materialismo histórico?

1) O materialismo defende a superioridade da ciência sobre a superstiçom (que tamém podemos chamar ideologia) comprovada na práxis. 2) O materialismo dialéctico (M.D.) debe separar a ciência, a superstiçom, a filosofia e a moral. 3) O materialismo dialéctico (M.D) tem umha funçom filosófica pré-científica descobrindo as leis mais gerais do movimento da unidade dialéctica. 4) O materialismo histórico (M.H.) é umha ciência que estuda o movimento social.

11 - Por que a maioria do povo nom é revolucionário na maior parte da história?Continuaçom

A maior parte da povoaçom dumha sociedade classista segue

hábitos de comportamento e discurso submisso co poder político, devido às mentiras e hábitos adquiridos na actividade social, dentro da "maquinária" do sistema. Desconhecem a realidade vivendo numha mentira desenhada e difundida para manter os privilégios das classes exploradoras, em geral, e da oligarquia em particular.

Este fenómeno social pode estudar-se de diferentes pontos de observaçom e podem utilizar-se diferentes palavras para referir-nos ao mesmo fenómeno. Assim a esta "enfermidade social", que podemos comparar coa tuberculose, Marx chamou-lhe "alienaçom", quem a padece está "alienado". Os freudo-marxistas chamárom-lhe "falsa consciencia" (desconscienciado?). A tuberculose esta causada por um agente, uma bacteria, o bacilo de cok. Gramsci chamou-lhe a este agente responsável "hegemonia de classe" da burguesia.

Esta hegemonia implica que a lógica, os preconceitos, os medos, as aspiraçons, toda a psicologia e os modelos de relaçons sociais da burguesia som o modelo e norma social de toda a sociedade.

12 - Lei do desenvolvimento desigual combinado

- > Teoria do progresso social em paralelo.
- > As três grandes vias do progresso para a humanidade.

Lenine descobriu a importante lei social do desenvolvimento desigual combinado. Explica como cada povo nom passa por todas as fases do desenvolvimento social humano, senom que aos povos atrasados chega a tecnologia, os métodos produtivos e relaçons políticas modernas (motores modernos de última geraçom, democracia burguesa) sem passar polo mesmo longo processo de desenvolvimento histórico da ciência, tecnologia e política doutros lugares, nom chegando a

conhecer, por exemplo, a máquina de vapor que tranformou a industria.

Esta lei a nível político explica como na Rússia Zarista dos Romanov, onde a aristocracia feudal tinha o poder co apoio do clero e da burguesia, passárom do feudalismo à luita anti-imperialista, a ditadura do proletariado e à economia planificada em direcçom ao socialismo.

O estudo comparado das sociedades que formam a humanidade levou a separá-las em dous grandes grupos, ao que hai que engadir um terceiro:

- a) As sociedades sem classes sociais antagónicas, tamém chamadas bárbaras, primitivas (ou frias por outros autores como Leví-Strauss), caracterizadas por: nomadismo ou seminomadismo, compatibilizar o trabalho intelectual e o físico, a observaçom da natureza, a aprendizagem segundo o modelo mestre-aprendiz, a formaçom teórico-práctica, nom existência da formaçom académica, lento desenvolvimento, baixo esforço, baixo consumo de energia, aproveitamento dos recursos biológicos do ecossistema natural, a obtençom de recursos com pouco esforço, nom construçom de grandes infraestruturas, a lenta transformaçom da natureza, etc.
- b) As sociedades com classes sociais antagónicas, tamém chamadas quentes, caracterizadas por: criaçom do estado, descoberta da escrita, da formaçom académica, criaçom de classes sociais privilegiadas "liberadas" do trabalho físico, a extensom do sofrimento à maior parte da sociedade e de toda a humanidade, o rápido desenvolvimento dos meios de produçom, o monopólio da violência pola/as classe/s sociais co poder político, tendência a prolongar a jornada laboral (só parada pola luita de classes), tendência mundial à depauperaçom dos explorados -record no 2009 com 1020 milhons de esfameados segundo a Fao Onu-, alto consumo de energia, rápida transformaçom da natureza, etc.

c) Baixo o domínio do imperialismo, desde o começo do século xx (1917), demostrou-se que hai outra via de progresso social para a humanidade. Umha sociedade moderna, sem estado burguês. Umha via que evita o sofrimento que provoca o capitalismo na humanidade. Umha sociedade em que o proletariado acada o poder político e construe o seu próprio estado.

Estas som as três grandes vias de progresso para a humanidade ao longo da história.

O estudo histórico ensina-nos:

- 1) Em todas as sociedades aparece a tendência (como necessidade histórica) ao progresso social. Tanto os meios de produçom, como no conhecimento da natureza, como na criaçom artística, estám sujeitos a esta tendência, tanto nas sociedades divididas em classes sociais antagónicas como nas que nom estám.
- 2) Nas sociedades sem classes sociais antagónicas tamém existe o conhecimento científico e técnico.
- 3) As sociedades com classes sociais antagónicas tenhem umha tendência à mudança muito mais rápida que as que nom tenhem classes.
- 4) O fenómeno social histórico ao que chamamos progresso dá-se em paralelo tanto nas sociedades com classes antagónicas como nas que nom tenhem.
- 5) As classes sociais exploradoras negam-se a permitir pacificamente qualquer mudança que diminua os seus privilegios.
- 6) Ao chegar a certo ponto de desenvolvimento social o sistema económico-político imposto polas classes exploradoras converte-se numha trava histórica para o

progresso.			





LIBERDADE PRESOS INDEPENDENTISTAS !

Ateneu Proletário Galego 🏡

Nº1 Introduçom ao materialismo dialéctico e histórico

LIBERDADE PRESOS INDEPENDENTISTAS!